

Tugtupitsip nunatsinni pinneraasiassatut pisortatigoortumik nunatta ujaraatut toqqarneqarnissaanik kiisalu pilersaarummik aammalu avammut niuernermi ussassaarusiornissamat periusissiamik UPA 2020-imut saqqummiusseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut. Inuit Kalaallit Nunaanni najugaqavissut ujaqqanik pinneraasiassanik suliaqarnerminni aningaasaqarnerisa siuarsarneqarnissaat matumani suliniuteqarnermi siunertarineqarpoq.

(Inatsisartunut ilaasortaq Múte Bourup Egede, Inuit Ataqtigiit)

Akissuteqaat

(Aatsitassanut Suliffeqarnermullu Naalackersuisoq)

Akissuteqaat

(Aatsitassanut Suliffeqarnermullu Naalackersuisoq)

Aappassaanneerineq

Naalackersuisut sinnerlugit Inuussutissarsiornermut Aatsitassanullu Ataatsimiititaliaq siunnersuutip sukumiisumik suliarisimaneranut qutsavigaara.

Ataatsimiititaliaq isumaqatigiittoq isumaliutissiissummini allannguutissatut siunnersuummik saqqummiussivoq:

”Nunap pisortatigoortumik ujaraanik ataatsimik arlallinnilluunniit toqqaanissamat pilersaarummik UPA 2020-imut saqqummiusseqqullugit Naalackersuisut peqquneqarnissaanik Inatsisartut aalajangiiffigisassaattut siunnersuut. Ujaqqat pineqartut tuniniarneqarnerisa avammullu niuerutigineqarnerisa siuarsarneqarnissaat siunertaralugu iliuuserineqarsinnaasut pilersaarummut ilanngunneqassapput. Inuit Kalaallit Nunaanni najugaqavissut ujaqqanik pinneraasiassanik suliaqarnerminni aningaasaqarnerisa siuarsarneqarnissaat matumani suliniuteqarnermi siunertarineqarpoq.”

Nunap ujaraanik toqqaanissaq sioqqullugu suliap ingerlanissaanik aaqquissuussinissaq oqaasertaliinissarlu Ataatsimiititaliap pingaartikkaa, Naalackersuisut maluginiarpaat. Tamanna Naalackersuisut isumaqatigaat.

Ataatsimiititaliap allannguutissatut siunnersuutaa akuerineqassasoq Naalackersuisut inassutigaat, aammalu Ataatsimiititaliap isumaliutissiissutaa suliap ingerlaqqinnerani ilanngutissallugu.